

AKHBAR : HARIAN METRO

MUKA SURAT : 24

RUANGAN : SETEMPAT

Putrajaya

30,448 kes denggi berlaku seluruh negara

Kementerian Kesihatan merekodkan 30,448 kes denggi di seluruh negara bagi tempoh 30 Disember lalu hingga 12 Mac tahun ini.

Menurut statistik dikeluarkan Bilik Gerakan Denggi Kebangsaan (CPRC), Kementerian Kesihatan, daripada

jumlah itu, Selangor mencatatkan jumlah tertinggi iaitu 17,717 kes denggi berbanding negeri lain.

Ia diikuti Johor dengan 2,516 kes, Kuala Lumpur (2,419), Pulau Pinang (1,875) manakala Sabah sebanyak 1,387 kes.

Selain itu, jumlah kes

kematian direkodkan seramai 50 orang bagi tempoh 1 Januari hingga 9 Mac lalu.

Data mengenai kes denggi di seluruh negara serta jumlah kes kematian itu dipaparkan menerusi laman web <http://idengue.remote sensing.gov.my>, semalam.

AKHBAR : KOSMO**MUKA SURAT : 3****RUANGAN : NEGARA**

Jumlah mangsa pencemaran toksik meningkat kepada 975 orang

JOHOR BAHRU – Seramai 506 mangsa baharu pencemaran toksik di Sungai Kim Kim di sini direkodkan semalam sekali gus menjadikan jumlah keseluruhan meningkat kepada 975 orang.

Menteri Kesihatan, Datuk Seri Dr. Dzulkifly Ahmad berkata, daripada jumlah itu, seramai 166 telah dimasukkan ke wad dan sembilan ditempatkan di unit rawatan rapi (ICU).

"Jabatan Kesihatan Negeri sudah menggerakkan enam pasukan perubatan

untuk menempatkan mereka di Hospital Sultanah Aminah dan Hospital Sultan Ismail di sini.

"Berhubung permandu ambulans yang dilaporkan terhadu udara tersebut sebelum ini, individu tersebut telah semakin pulih dan dipindahkan ke wad biasa," katanya pada sidang akhbar di Pusat Gerakan Jawatankuasa Pengurusan Bencana Negeri di sini, semalam.

Tambahnya, masyarakat dinasihatkan untuk tidak berada di kawasan

yang terjejas khususnya di kawasan sungai berkenaan.

Sementara itu, Menteri Besar Johor, Datuk Osman Sapian berkata, kerajaan negeri telah meluluskan peruntukan kecemasan sebanyak RM6.4 juta untuk kerja-kerja pembersihan serta bantuan kepada mangsa dan keluarga yang terjejas.

"Setakat ini, keadaan di kawasan tersebut adalah terkawal dan tiada keperluan untuk mengisyaitarkan darurat," katanya.



OSMAN (tunduk, dua dari kanan) melawat salah seorang pelajar yang mendapatkan rawatan selepas terhadu bahan kimia di Dewan Serbaguna Tarman Pasir Putih, Pasir Gudang semalam.

AKHBAR : KOSMO
MUKA SURAT : 12
RUANGAN : NEGARA

Inisiatif Hospital Kluster atasi masalah kepadatan pesakit



HOSPITAL Raja Perempuan Zainab II di Kota Bharu, Kelantan merupakan antara 25 buah hospital di seluruh negara yang telah melaksanakan inisiatif Hospital Kluster.

KUALA LUMPUR - Kementerian Kesihatan (KKM) sedang melaksanakan inisiatif Hospital Kluster bagi mengatasi masalah kepadatan pesakit di hospital-hospital negeri dan berpakar.

Timbalan Menterinya, Dr. Lee Boon Chye berkata, inisiatif itu akan menggabungkan semua sumber yang ada dalam sesebuah hospital dengan hospital lain termasuk sumber manusia, fasiliti, peralatan dan lain-lain dikongsi dan dioptimalkan penggunaannya bagi meningkatkan mutu perkhidmatan.

"Dengan inisiatif itu, penggunaan katil bagi hospital-hospital yang

kurang digunakan dapat dipertingkatkan di samping mengurangkan kesesakan di hospital berpakar.

"Pesakit juga dapat dipindahkan ke hospital-hospital yang kurang padat di kluster masing-masing dan penempatan pakar yang bersesuaian akan dilaksanakan di hospital tanpa pakar secara tetap dan bergilir," katanya.

Beliau berkata demikian pada persidangan Dewan Rakyat ketika menjawab pertanyaan lisan Datuk Ahmad Jazlan Yaakub (BN-Machang) mengenai jumlah hospital yang berdepan dengan masalah kepadatan pesakit yang terlalu tinggi dan langkah yang



BOON CHYE

telah diambil kementerian untuk mengatasinya.

Tambah Boon Chye, sehingga kini terdapat 25 buah hospital kluster di 12 negeri yang melibatkan 88 buah hospital. KKM merangkumi 60.7 peratus jumlah keseluruhan hospital tersebut.

Dari pada jumlah itu katanya, Melaka, Negeri Sembilan, Pulau Pinang, Terengganu, Kelantan dan Pahang telah selesai melaksanakan kluster di semua hospital di negeri berkenaan.

"Sabah telah membentuk empat hospital kluster; Perak, Kedah dan Sarawak membentuk dua hospital kluster. Johor dan Selangor masing-masing membentuk sebuah hospital kluster," ujarnya.

AKHBAR : NEW STRAITS TIMES

MUKA SURAT : 6

RUANGAN : NEWS/NATION

POOLING RESOURCES

Cluster hospital initiative to tackle overcrowding in wards



Dr Lee Boon Chye

THE Health Ministry is implementing its cluster hospital initiative in a bid to reduce overcrowding and patient density in state and specialist hospitals.

Deputy Health Minister Dr Lee Boon Chye said the initiative would combine the resources in each hospital with that of other hospitals, including human resources, facilities and equipment, so that they could be optimised to improve the quality of service.

“With this initiative, hospital beds that are underused can be

used to reduce overcrowding at specialist hospitals.

“Patients can also be transferred to less crowded hospitals within their clusters and appropriate placement of specialists will be implemented in hospitals either permanently or on a rotation basis.”

Lee said this in reply to a question from Datuk Ahmad Jazlan Yaakub (BN-Machang) who wanted to know the number of hospitals facing high patient density and the steps taken by the min-

istry to tackle the problem.

Lee told the Dewan Rakyat there were 25 cluster hospitals in 12 states, which made up 60.7 per cent of the 88 hospitals under the Health Ministry.

Of the 12 states, Melaka, Negeri Sembilan, Penang, Terengganu, Kelantan and Pahang had completed the implementation of the cluster hospital initiative.

“Sabah has created four cluster hospitals; Perak, Kedah and Sarawak two each; and Johor and Selangor one each.”